



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Maurittii Gudeni Historia Erfurtensis Ab Vrbe Condita Ad Reductam

Gudenus, Johann Moritz von

Erfurti, 1675

XXXII.

urn:nbn:de:hbz:466:1-11903

Eminentissimus Elector Clementiâ suâ pertinaciam omnem liquefecerat, ut pueret in optimum Principem peccasse, hinc alter alteri culpam imputabat. Fides data jure jurando confirmabatur, proponente juramenti leges Secretario, omnis multitudo erectis ad Cœlum digitis subjectionem jurabat.

*Galli bene
XXXII.
remunerati
Rhenum re-
petunt.*

*Rarissimum
munus Regi
ab Electore
oblatum.*

Iisdem diebus † Rhenum auxiliares Galli repetiêre. Officiales cum liberalissimis donis Elector dimisit. Pradellio gladius multis pretiosus gemmis, & plures equi obvenêre. Ipsi Regi datum munus, † quod antiquitatis pretio omnem æstimationem superat: De Childerico Francorum Rege Clodovæi Patre suprà (a) dixit is anno Christi DIX. die vigesimo septimo Novembris obiit, ac Tornaci ritu gentili-um sepultus est, cumque nuper ibidem, gubernante Belgium Leopoldo Archiduce, Divi Cæsaris Ferdinandi III. Fratris, ruinosæ ædis fundamenta disjicerentur, (b) corpus unâ cum vario Cimeliorum, & armorum apparatu, inventum casu, & refossus est. Hæc Leopoldus Viennam miserat, Galliarum Rege frequentissimis votis, ista Prædecessoris monumenta desiderante. Abligavit Elector ad Cæsaris aulam Conradum Breuning suum è Societate

(a) Sub anno DXVIII.

(b) Vide Anastasii Childericianam Chifletii, in qua uberrimè hæc ab oculato teste, & elegantissimis cœtypis exhibentur.

tate Jesu Theologum , per quem à Divo Leopoldo Cæsare Augusto, istum antiquitatis thesaurum obtinuit , eum postea Regi Galliarum in grati animi tesseram obtulit.

Rector Universitatis † & proceres eleganti oratione Electori gratulantur , se atque Academiam Electori commendant. Pari elegantia respondet Elector , nec curæ sibi tantum rem literariam futuram , † sed quantis etiam cunque impensis è pulvere , quo temporum injuriâ tecta jacuit , splendori pristino restitutum. Fidem dictis atque votis speratâ dedit , postquam liberalissimis stipendiis , & vigilante curâ Academiam irrigavit , ut paulò post supra vota florere inceperit.

Monebant † transacta tempora , non solis promissis imperia stare , prætereà ampliora Urbis munimenta videbantur , quam ut semper impleri præsidio ex Civitatis re-
ditibus possent. Ideò Elector , quod jam ante sæcula Adalbertus (a) fecerat , arcem extruere , ex qua tam protegi adversus violentiam boni , quam contineri mali possent , ac montem S. Petri munimentis circumdare aggressus est. † Prosperri-
mis initiis Princeps Monasteriensis , Christophorus Bernhardus ex Hungaria supervenit. Ibi annonæ præfectus exercitibus Imperii de comeatu prospexerat , Princeps Heroicis virtutibus , præsertim re mi-
litari

XXXIII

*Universitas
literaria Ele-
ctorem exci-
pit.*

*Eandem Ele-
ctor restau-
rat.*

XXXIV

*Citadella Pe-
trensium initi-
atur.*

*Princeps
Monasteri-
ensis Electo-
rem hic con-
venit.*

(a) Vide supra ad Annum MCXXII.